

ს“ გენერალური დირექტორის № 56 რწმუნებულების საფუძველზე და მეორეს მხრივ, სააქციო საზოგადოება „ (ID : _____) (შემდგომში „მიწის მესაკუთრე“), „მიწის მესაკუთრე“ და „კორპორაცია“ შემდგომში ერთობლივად - მოიხსენიება როგორც „მხარეები“, მაგისტრალური გაზსადენის ვანი-სენაკის მონაკვეთის მშენებლობის პროექტის“ (შემდგომში „პროექტი“) განხორციელების უზრუნველსაყოფად, „კორპორაციის“ მიერ „მიწის მესაკუთრის“ კერძო საკუთრებაში არსებულ „მიწის ნაკვეთზე“ მაგისტრალური გაზსადენის მშენებლობის, რეკონსტრუქციის, ექსპლუატაციისა და სარგებლობის უფლების მოპოვების მიზნით, წინამდებარე ხელშეკრულების შესაბამისად თანხმდებიან შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს „პროექტის“ განხორციელების უზრუნველსაყოფად „მიწის მესაკუთრის“ კერძო საკუთრებაში არსებული „მიწის ნაკვეთის“ „კორპორაციის“ სასარგებლოდ სერვიტუტით დატვირთვა.

2. ტერმინთა განმარტებები

2.1. „ხელშეკრულებაში“ გამოყენებულ სიტყვებს და ფრაზებს აქვთ შემდეგი მნიშვნელობა:

2.1.1. საშენებლო პერიოდი - „მილსადენისა“ და „მილსადენი საშუალებების“ მშენებლობის და/ან რეკონსტრუქციის მიმდინარეობის პერიოდი, „მშენებელი კონტრაქტორის“ მიერ საშენებლო სამუშაოების დაწყებიდან საქართველოს კანონმდებლობის შესაბამისად მილსადენის ექსპლუატაციაში მიღებამდე, ყველანაირი ტესტირებისა და გამოკვლევების და ხარვეზების გამოსწორების პერიოდების ჩათვლით.

2.1.2. ექსპლუატაციის პერიოდი - „მილსადენისა“ და „მილსადენი საშუალებების“ ექსპლუატაციისა ან/და ფიზიკური არსებობის მთლიანი პერიოდი, „საშენებლო პერიოდის“ დასრულებიდან „მილსადენისა“ და „მილსადენი საშუალებების“ სრული დემონტაჟის დასრულებამდე.

2.1.3. მილსადენის საგანგებო ოპერაციები - მოქმედებები, რომელთა დაუყოვნებლივი განხორციელება აუცილებელია იმისათვის, რომ შენარჩუნდეს ან აღდგეს „მილსადენის“ მთლიანობა, უზრუნველყოფილ იქნეს საზოგადოებრივი უსაფრთხოება და/ან გარემოს დაცვა (მათ შორის აფარიის ლიკვიდაციისა და პრევენციისაკენ მიმართული მოქმედებები).

2.1.4. მილსადენის ჩვეულებრივი ოპერაციები - „კორპორაციის“ ან მისი სახელით შესასრულებელი მოქმედებები, რომელთა განხორციელება საჭიროა „მილსადენი საშუალებებით“ სარგებლობისა და გამოყენების, „მილსადენისა“ და „მილსადენი საშუალებების“ ტექნიკური მომსახურებისა და ფუნქციონირებისათვის.

2.1.5. მილსადენის სარემონტო სამუშაოები - „კორპორაციის“ მიერ ან მისი სახელით შესასრულებელი მოქმედებები, რომელთა განხორციელება საჭიროა რათა შენარჩუნდეს „მილსადენის“ მთლიანობა, უზრუნველყოფილ იქნეს „მილსადენის“ შეუფერხებელი ექსპლუატაცია, საზოგადოებრივი უსაფრთხოება და/ან გარემოს დაცვა.

2.1.6. მილსადენი - მაგისტრალური გაზსადენის ვანი-სენაკის მონაკვეთი.

2.1.7. მილსადენი საშუალებები - ყველა ნაგებობა, მოწყობილობა და სხვა საშუალება, რომლებიც ერთად შეადგენენ „მილსადენის“ იმ ნაწილს, რომელიც „მიწის ნაკვეთზე“ ან მის ქვეშ არის განთავსებული და, რომლებიც დაკავშირებულია „მილსადენის“ მშენებლობასა და ექსპლუატაციასთან.

2.1.8. მიწის ნაკვეთი - „მიწის მესაკუთრის“ საკუთრებაში არსებული მიწის ნაკვეთი მიწის (უძრავი ქონების) საკადასტრო კოდი №44.03.26.002; რომლის მდებარეობა, საზღვრები, ფართობი და სამართლებრივი სტატუსი იდენტიფიცირებულია ამ ხელშეკრულებაზე თანდართული ამონაწერით „საჯარო რეესტრიდან“ (დანართი №1).

2.1.9. მილსადენის საშენებლო-საექსპლუატაციო დერეფანი (სერვიტუტის მიწა) - „მიწის ნაკვეთის“ ნაწილი, რომელიც უწყვეტი შავი ხაზებით არის შემოფარგლული, როგორც ეს ნაჩვენებია თანდართულ მიწის ნაკვეთის საკადასტრო აზომებით ნახაზზე (დანართი №2), სერვიტუტის მიწის ფართობი 25108კვ.მ.

2.1.10. შეზღუდვები - წინამდებარე ხელშეკრულების მე-6 მუხლში განსაზღვრული შეზღუდვები.

2.1.11. ნაგებობა - „მიწის ნაკვეთის“ მესაკუთრის მფლობელობაში არსებული, „სერვიტუტის მიწაზე“ მდებარე, მიწასთან უძრავად დაკავშირებული საყოფაცხოვრებო, სასოფლო-სამეურნეო ან სხვა ნაგებობა.

2.1.12. მშენებელი კონტრაქტორი - „კორპორაციის“ მიერ დაქირავებული კვალიფიციური სამშენებლო კომპანია, რომელიც „კორპორაციის“ ზედამხედველობით შეასრულებს „მიწის ნაკვეთზე“ ყველა სამშენებლო სამუშაოს „სამშენებლო პერიოდის“ განმავლობაში.

2.1.13. საჯარო რეესტრი - საქართველოს იუსტიციის სამინისტროს სსიპ „საჯარო რეესტრის ეროვნული სააგენტოს“ შესაბამისი სარეგისტრაციო სამსახურები.

3. მხარეთა განცხადებები

3.1. „მიწის მესაკუთრე“, ამონაწერით „საჯარო რეესტრიდან“ ადასტურებს, რომ არის „მიწის ნაკვეთის“ მესაკუთრე და რომ „მიწის ნაკვეთი“ არის უფლებრივად უნაკლო (მიწასთან და მიწაზე არსებულ უძრავ ქონებასთან დაკავშირებით არცერთ სხვა პირს არ გააჩნია რაიმე მოთხოვნა, უფლება ან ინტერესი).

3.2. „მიწის მესაკუთრე“ ასევე ადასტურებს, რომ წინამდებარე ხელშეკრულებაზე თანდართული დოკუმენტები ყოველმხრივ ნამდვილი და ზუსტია;

3.2. „კორპორაცია“ ადასტურებს, რომ ის არის იურიდიული პირი, რომელიც დაფუძნებულია, რეგისტრირებულია და მოქმედებს საქართველოში მოქმედი კანონმდებლობის შესაბამისად და რომ, წინამდებარე ხელშეკრულებაზე ხელმოწერილი პირი არის სათანადო უფლებამოსილებით აღჭურვილი.

4. უფლებების მინიჭება

4.1. წინამდებარე ხელშეკრულების ძალით და მისი პირობების საფუძველზე, „მიწის მესაკუთრე“ „კორპორაციის“ სასარგებლოდ სერვიტუტით ტვირთავს „მიწის ნაკვეთს“ და „კორპორაციას“ ანიჭებს უფლებას, სამშენებლო პერიოდის“ განმავლობაში შეუზღუდავად ისარგებლოს „მიწის მესაკუთრის“ საკუთრებაში არსებული „მიწის ნაკვეთის“ ნაწილით „სერვიტუტის მიწის“ ფარგლებში;

4.2. სერვიტუტის უფლება წინამდებარე ხელშეკრულების მოქმედების ვადის განმავლობაში რეგისტრირებული უნდა იქნეს „საჯარო რეესტრში“ სანიეთო უფლებად „კორპორაციის“ სასარგებლოდ და მისი არსებობის განმავლობაში დაავალდებულებს როგორც „მიწის მესაკუთრეს“, მის მემკვიდრეებს, ასევე ყველა მომავალ მესაკუთრეს, მოსარგებლეს და ყველა სხვა პირს, რომელიც პრეტენზიას განაცხადებს რაიმე უფლებაზე ან ინტერესზე „სერვიტუტის მიწის“ მიმართ.

ლებების მხარე ყველა მიზნისათვის და წინამდებარე ხელშეკრულებას არსებული მითითებები - „მიწის მესაკუთრე“, „მხარე“, „მხარეები“, საკუთრების უფლების ასეთი გადაცემის ძალაში შესვლის თარიღიდან, ჩაითვლება მითითებულ ასეთ ახალ მესაკუთრეზე ყოფილი მესაკუთრის ნაცვლად.

5. მხარეთა უფლებები და მოვალეობები

5.1. „სერვიტუტის მიწის“ მიმართ წინამდებარე ხელშეკრულების მოქმედების მთელი პერიოდის განმავლობაში „კორპორაცია“ და/ან მის მიერ სათანადოდ უფლებამოსილი სხვა პირები ისარგებლებენ შემდეგი უფლებებით:

5.1.1. „სამშენებლო პერიოდის“ განმავლობაში თავისუფლად შევიდნენ, შეიტანონ და განათავსონ ნებისმიერი მანქანები, მოწყობილობები და მასალა, აგრეთვე აკრძალონ, შეზღუდონ ან არ დაუშვან „მიწის მესაკუთრის“ და/ან ნებისმიერი სხვა პირის მიერ მიწის დაკავება, სარგებლობა, ფლობა და კონტროლი, რამდენადაც ეს აუცილებელია „მილსადენის“ ოპერაციებისათვის;

5.1.2. განახორციელონ ნებისმიერი და ყველა სახის მიწისზედა და მიწისქვეშა „მილსადენის“ სამშენებლო საქმიანობა, რაც შეზღუდვის გარეშე მოიცავს გამწმენდ და გათხრით სამუშაოებს, ასევე განახორციელონ დემონტაჟი, ააშენონ და დაამონტაჟონ ნებისმიერი „მილსადენის საშუალებები“, ნებისმიერ დროს „სამშენებლო პერიოდის“ განმავლობაში;

5.1.3. მშენებლობის დასრულებისთანავე და ნებისმიერ დროს ხელშეკრულების მოქმედების განმავლობაში, განახორციელონ ნებისმიერი და ყველა საქმიანობა „მილსადენის საშუალებებით“ სარგებლობის, მათი უზუნქციონირების და გამოყენების მიზნით, რაც მოიცავს, შეზღუდვის გარეშე, დამატებითი „მილსადენის საშუალებების“ მშენებლობას და ასეთი საშუალებებით სარგებლობას, აგრეთვე ნებისმიერი „მილსადენის საშუალებების“ ტექნიკურ მომსახურებას, დაცვას, შეკეთებას, შეცვლას, გადაიარაღებას, განახლებას, განგრცობას, სიმძლავრეების გაფართოებას, განშტოებას, შემოწმებას, დემონტაჟს, ჩანაცვლებას, გაუქმებას და სხვა სამუშაოებს;

5.1.4. შევიდნენ „მილსადენის სამშენებლო-საექსპლუატაციო დერეფანში“ „მილსადენის ჩვეულებრივი ოპერაციების“, „მილსადენის საგანგებო ოპერაციების“, „მილსადენის სარემონტო სამუშაოების“ შესრულების და/ან „მიწის მესაკუთრის“ მიერ წინამდებარე ხელშეკრულების მე-6 მუხლით გათვალისწინებული „შეზღუდვების“ შესრულების შემოწმების მიზნით.

5.2. „მიწის მესაკუთრე“ უზრუნველყოფს, რომ ნებისმიერ დროს, როდესაც „სერვიტუტის მიწა“ ან მისი რაიმე ნაწილი იქნება მისი ან მის მიერ უფლებამოსილი პირის მფლობელობაში ან/და კონტროლის ქვეშ, წინამდებარე ხელშეკრულებით გათვალისწინებული „კორპორაციის“ უფლებების განხორციელება არ შეიზღუდება, არ შეფერხდება, არ დაექვემდებარება რაიმე პირობას, არ შეწყდება და არ მოხდება მათში ჩარევა ნებისმიერი პირის მიერ.

5.3. „კორპორაცია“ კისრულობს ვალდებულებას:

5.3.1. გადაუხადოს კომპენსაცია „მიწის მესაკუთრეს“ წინამდებარე ხელშეკრულების მე-7 მუხლის შესაბამისად;

5.3.2. საჭიროებისამებრ, სამშენებლო სამუშაოების დასრულებისთანავე განახორციელოს „სერვიტუტის მიწის“ თავდაპირველ მდგომარეობამდე აღდგენა, გონივრული შესაძლებლობების ფარგლებში;

5.3.3. „სერვიტუტის მიწის“ თავდაპირველ მდგომარეობამდე აღდგენის შემდეგ უნდა გაფორმდეს მიწის მიღება-ჩაბარების აქტი, რომელსაც ხელი უნდა მოაწერონ „მიწის მესაკუთრემ“, „კორპორაციამ“ და „მშენებელმა კონტრაქტორმა“.

5.3.4. შეძლებისდაგვარად უმოკლეს ვალებში აცნობოს „მიწის მესაკუთრეს“ „მილსადენის სარემონტო სამუშაოების“ დაწყების შესახებ;

5.3.5. „მილსადენის სამშენებლო-საექსპლუატაციო დერეფანში“ „მილსადენის საგანგებო ოპერაციების“ დაწყებამდე ან დაწყების შემდეგ შეძლებისდაგვარად უმოკლეს ვალებში შეატყობინოს „მიწის მესაკუთრეს“ აღნიშნულის შესახებ.

6. შეზღუდვები

6.1. „მიწის მესაკუთრე“ კისრულობს ვალდებულებას, წინამდებარე ხელშეკრულების მოქმედების მთელი პერიოდის განმავლობაში, დაიცვას ამ მუხლით გათვალისწინებული „შეზღუდვები“. „შეზღუდვები“ არ ვრცელდება „კორპორაციაზე“ და/ან მის მიერ სათანადოდ უფლებამოსილ სხვა პირებზე.

6.2. „მიწის მესაკუთრე“ უნდა დაიცვას ”მაგისტრალური მილსადენების (ნავთობის, ნავთობპროდუქტების, ნავთობის თანმდევი და ბუნებრივი გაზის და მათი ტრანსფორმაციის პროდუქტების) დაცვის წესისა და მათი დაცვის ზონების დადგენის შესახებ“ საქართველოს პრეზიდენტის 2009 წლის 27 დეკემბრის №963 ბრძანებულებით განსაზღვრული შეზღუდვები.

6.3. „სამშენებლო პერიოდის“ განმავლობაში, აკრძალულია შესვლა და რაიმე საქმიანობის განხორციელება „სერვიტუტის მიწის“ ტერიტორიაზე.

6.4. „მიწის მესაკუთრე“ ვალდებულია, აცნობოს „მიწის ნაკვეთის“ ყველა მოსარგებლეს და/ან ახალ მესაკუთრეს წინამდებარე „შეზღუდვების“ შესახებ.

6.5. წინამდებარე ვალდებულებების შეზღუდვის გარეშე, „მიწის მესაკუთრე“ ვალდებულია, დაუყოვნებლივ შეატყობინოს „კორპორაციას“ „შეზღუდვების“ ნებისმიერი დარღვევის შესახებ მაშინვე, როგორც კი „მიწის მესაკუთრე“ შეიტყობს ასეთი დარღვევის შესახებ.

6.6. „მიწის მესაკუთრე“ სრულად აგებს პასუხს „კორპორაციის“ წინაშე ნებისმიერი პირდაპირი და არაპირდაპირი ზიანისთვის რაც გამომდინარეობს ან/და დაკავშირებულია „მიწის მესაკუთრის“ ან/და მის მიერ უფლებამოსილი პირის მიერ წინამდებარე ხელშეკრულებით გათვალისწინებული „შეზღუდვების“ დარღვევასთან.

7. კომპენსაცია

7.1. „კორპორაცია“ „მიწის მესაკუთრეს“ გადაუხდის ერთჯერად კომპენსაციას სერვიტუტით დატვირთულ მიწაზე „მშენებლობის პერიოდში“ სასოფლო-სამეურნეო საქმიანობის შეფერხებისა და მიწის მოცდენისათვის, ”მიწის ნაკვეთის აღწერის აქტი“-ში (დანართი №3) დაფიქსირებული ნარგავების, სასოფლო-სამეურნეო კულტურებისა და/ან უძრავი ქონებისათვის, საქართველოს იუსტიციის სამინისტროს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ (შემდგომში „ბიურო“) მიერ ჩატარებული ექსპერტიზის საფუძველზე დადგენილი საბაზრო ღირებულებების შესაბამისად.

7.2. წინამდებარე ხელშეკრულების 7.1. პუნქტის შესაბამისად „კორპორაცია“ გადაუხდის „მიწის მესაკუთრეს“ ერთჯერად კომპენსაციას 6661,34 (ექვსი ათას სამოცდაერთი ლარი ოცდაათხმეტი თეთრი) ლარის ოდენობით.

7.3. წინამდებარე ხელშეკრულების მოქმედების განმავლობაში, „კორპორაცია“ ან მის მიერ სათანადოდ უფლებამოსილი პირის მიერ „მილსადენის სამშენებლო-საექსპლუატაციო დერეფანში“ განხორციელებული „მილსადენის ჩვეულებრივი ოპერაციების“, „მილსადენის საგანგებო ოპერაციების“, „მილსადენის სარემონტო სამუშაოების“ შესრულების შემდეგ ნებისმიერი ფაქტიურად მიყენებული ზიანი, შეძლებისდაგვარად უმოკლეს ვალებში, ანაზღაურებული უფლადი კომპენსაციის სახით, ზიანის მიყენების მომენტისათვის არსებული საბაზრო ფასების მიხედვით, რაც „ბიუროს“ დასკვნით განისაზღვრება. ზემოაღნიშნული კომპენსაცია გადახდილი იქნება „მიწის მესაკუთრის“ და/ან ზიანის მიწმენების მომენტისათვის „საჯარო რეესტრში“ რეგისტრირებული მიწის მოსარგებლის (მოიჯარის) სასარგებლოდ.

7. თანხა, კომპენსაცია ან/და ანაზღაურება გარდა წინამდებარე ხელშეკრულების მე-7 მუხლით განსაზღვრული კომპენსაციისა.

7.5. წინამდებარე ხელშეკრულების მე-7 მუხლით გათვალისწინებული კომპენსაციის გადახდა განხორციელდება უნაღდო ანგარიშსწორების ფორმით, წინამდებარე ხელშეკრულების ძალაში შესვლის დღიდან 10 (ათი) სამუშაო დღის განმავლობაში, წინამდებარე ხელშეკრულებაში მითითებულ საბანკო რეკვიზიტებზე.

7.6. ხელშეკრულების გაფორმებისა და მასთან დაკავშირებული დოკუმენტაციის მისაღებად საჭირო ხარჯებს გაიღებს "კორპორაცია".

8. მოქმედების ვადა და ხელშეკრულების შეწყვეტა

8.1. წინამდებარე ხელშეკრულება ძალაში შედის "მხარეთა" მიერ მისი ხელმოწერისა და "საჯარო რეესტრში" რეგისტრაციის მომენტიდან და ძალაშია "შეწინებლობის პერიოდისა" და "ექსპლუატაციის პერიოდის" განმავლობაში.

8.2. "მიწის მესაკუთრეს" არ აქვს უფლება ცალმხრივად შეწყვიტოს წინამდებარე ხელშეკრულება.

8.3. "კორპორაციას" უფლება აქვს ნებისმიერ დროს საკუთარი შეხედულებისამებრ ცალმხრივად შეწყვიტოს წინამდებარე ხელშეკრულება.

9. ხელშეკრულების გადაცემა

9.1. "კორპორაციას" უფლება აქვს, ნებისმიერ პირს ნებისმიერ დროს საკუთარი შეხედულებისამებრ სრულად ან ნაწილობრივ გადასცეს ან სხვაგვარად განკარგოს (ნებისმიერი სახის მოთხოვნის უზრუნველყოფით დატვირთვის ჩათვლით) წინამდებარე ხელშეკრულებით გათვალისწინებული მისი უფლებები და ვალდებულებები და წინამდებარე სერვიტუტის უფლების შესაბამისი ნაწილი. "მიწის მესაკუთრე" აცხადებს უპირობო და შეუქცევად თანხმობას ნებისმიერ ასეთ გარიგებაზე.

10. მარეგულირებელი სამართალი და დავების მოგვარება

10.1. წინამდებარე ხელშეკრულება რეგულირდება და განიმარტება საქართველოს კანონმდებლობის შესაბამისად.

10.2. "მხარეები" შეეცდებიან ნებისმიერი დავის მოლაპარაკების გზით მოგვარებას. თუ მხარეები ვერ მიაღწევენ შეთანხმებას, დავა განსახილველად გადაეცემა საქართველოს შესაბამისი განსჯადობის მქონე სასამართლოს.

10.3. დავის არსებობა გავლენას არ იქონიებს და არ ათავისუფლებს "მხარეებს" ვალდებულებისაგან, მკაცრად დაიცვან "შეზღუდვები", ისევე, როგორც წინამდებარე ხელშეკრულების ნებისმიერი და ყველა სხვა პირობა.

11. სხვადასხვა

11.1. ყველა დანართი, დამატება და ცვლილება წინამდებარე ხელშეკრულებაში უნდა განხორციელდეს "მხარეების" ხელმოწერით წერილობითი ფორმით, რომელიც წარმოადგენს წინამდებარე ხელშეკრულებაში განუყოფელ ნაწილს.

11.2. "მხარეები" უპირობოდ თანხმდებიან, რომ "სამშენებლო პერიოდის" დასრულების შემდეგ, საჭიროების შემთხვევაში, შესაბამისი ცვლილებები იქნება შეტანილი დანართ №2-ში, რათა ფაქტიურად არსებული მდგომარეობის შესაბამისობით დაფიქსირებული იქნეს "მილსადენისა" და "მილსადენის საშუალებების" ზუსტი მდებარეობა, "მიწის ნაკვეთის", "მილსადენის სამშენებლო-საექსპლუატაციო დერეფნის" და "სერვიტუტის მიწის" საზღვრები.

11.3. წინამდებარე ხელშეკრულების მოქმედების განმავლობაში და არც შემდგომ, "მიწის მესაკუთრეს" არ ექნება რაიმე უფლება ან ინტერესი "მილსადენ საშუალებებზე", ისევე როგორც მიწის ზევით ან მის ქვეშ "კორპორაციის" ან მის მიერ სათანადოდ უფლებამოსილი სხვა პირების მიერ განთავსებული რაიმე სხვა უძრავი თუ მოძრავი ქონების მიმართ.

11.4. ხელშეკრულება შედგენილია ქართულ ენაზე ოთხ თანაბარი იურიდიული ძალის მქონე ეგზემპლარად, რომელთაგან ერთი გადაეცემა "მიწის მესაკუთრეს", ერთი წარედგინება "საჯარო რეესტრს" სერვიტუტის უფლების რეგისტრაციის მიზნით, ორი გადაეცემა "კორპორაციას".

12. მხარეთა რეკვიზიტები

<p>"კორპორაცია" შპს საიდ. კოდი: _____</p>	<p>"მიწის მესაკუთრე" საქციო საზოგადოება, სენაკის რაიონი</p>
<p>საბანკო რეკვიზიტები: სს "____" კოდი: ა/ა მისამართი: ქ. თბილისი, ტელ: _____ ფაქსი: _____</p>	<p>_____</p>

- დანართი №1.
ამონაწერით "საჯარო რეესტრიდან".
დანართი №2.
მიწის ნაკვეთის საკადასტრო აზომებითი ნახაზი - "მიწის ნაკვეთის" და "მილსადენის სამშენებლო-საექსპლუატაციო დერეფნის" საზღვრების მითითებით.
დანართი №3.
სერვიტუტის მიწის აღწერის აქტი.


მსხიის საპრო
როვნული ს
N 063


მუხარბ



საქართველოს იუსტიციის სამინისტრო
საჯარო რეგისტრის ეროვნული სააგენტო
საკადასტრო გეგმა

მიწის ნაკვეთის საკადასტრო კოდი: 44 03 26 002
ბანცხალების რეგისტრაციის ნომერი: 882010590430
მიწის ნაკვეთის ფართობი: 2252008 კვ.მ.
დანიშნულება: სასოფლო-სამეურნეო
კატეგორია: სახეაგრო
მიმზადების თარიღი: 03.05.10





მასშტაბი: 1:15 000



508

მისამართი: ხენაკის რაიონი, სოფ. თეკლათი		ფართობი: 2252008 კვ.მ	
დანიშნულება: სასოფლო-სამეურნეო სახნავი		მესაკუთრე: ს. ს.	
<p>პრობითი აღნიშვნები</p> <p>— ნაკვეთის საკადასტრო საზღვარი</p> <p>▨ შენობა</p> <p>▤ სერვიტუტი 25108 კვ.მ.</p>		<p>UTM, WGS 84</p> <p>მისამართი, ტელ: () ფაქსი:</p> <p>საკადასტრო აღწერაზე უფლებამოსილი პირი</p> <p>დაინტერესებული პირი</p>	
		<p>თბილისი</p> <p>შ.ს.ს.,</p> <p>ს.ს. "</p>	

